


津海道概况

津海道概況

中華民國三十一年六月
河北省津海道公署編印

天津海道區簡明圖



津海道概况

沿革

查津海道之設置起原於民國二年是時裁撤府州爲縣設置四觀察使分領之駐天津者爲渤海觀察使轄原有之天津河間永平承德朝陽五府及遵化赤峯二州所領之四十三縣旋於民國三年一月改渤海觀察使署稱津海道此爲津海道正式得名之始然劃出承德朝陽二府及赤峯州所屬十五縣改隸熱河特別區本道所轄只餘二十八縣至同年五月順天府改爲京兆獨立區以所領文安大城新鎮寧河四縣歸屬本道共轄三十二縣及民國十七年廢除道制縣直隸於省嗣於二十五年至二十六年間冀察政委會爲便於剿匪逐漸設置行政督察專員區設於天津者稱天津區復改稱第四區轄天津靜海武清寧河四縣寧河旋歸入冀東此制不久亦廢二十七年一月河北省公署成立於天津鑒於對各縣之督導不便議設道分治初設津海保定冀南三道冀東合流復增冀東一道於同年七月六日經前臨時政府核准試辦至十九日通行遵照至是北河省道區又止式恢復其時津海道轄三十七縣一局惟天津等十一縣雖亦在轄區之內但因道區南北狹長道署設於滄縣稍嫌偏南對於津武等縣指揮監督時感不便故仍暫由省直轄二十八年八月前臨時政府以道區過廣治効未宏因於內政部設劃分行政區域研究委員會華北各省公署均派遣專員參加詳密規劃幾經斟酌研討決定河北

省改劃爲八道均於二十九年七月一日成立即現在之保定冀東燕京津海渤海真定順德冀南各道是津海道仍治天津設署於天津特別市區內計轄天津靜海青縣大城文安新鎮霸縣永清安次武清寶坻寧河等十二縣及塘十警察署此本道沿革之大略也

釋名及區劃

本道得名之經過已如前述至津海二字來源實爲大津靜海二縣之合稱茲仍沿用者以符合習慣便於稱道也

本道所轄各縣其津靜青三縣爲宋金元時之清州清雍止以後之天津州其大城等九縣以往隸屬錯綜代有更張不便縷舉而自有清以來向屬順天府如永清安次（昔名東安民三復今名）霸縣文安大城新鎮（昔名保定民三易今名）之隸南路廳武清寶坻寧河（昔爲寶坻之梁城所雍正九年析置）之隸東路廳多年未變民三始劃文大新寧四縣隸津海道今次劃設道區經河北省公署詳究博討按之地理考諸民風徵之沿革準乎現勢將上列十二縣合爲道區允其洽適

位置及面積

道區位於本省偏東北部東濱渤海東北與冀東道屬之豐玉兩縣毗連北與燕京道屬薊香通大宛固諸縣接壤西臨保定道屬之新城雄縣南接渤海道之任河獻交滄五縣及新海設治局中外水陸交通四通八達爲各道冠總合十二縣全面積爲一四、五二五、九八七平方公里（附表一）

地勢

道區一片平原無山嶺屏障五大河流支幹縱橫匯以人海地勢在本省爲坻平古人謂幽燕平原本道有焉

土地及氣候

道區以東南濱海地多斥鹵荒城不毛自經昔賢倡導於天津之小站鹹水沽葛沽靜海之塘官屯獨流鎮青縣之馬廠寧河之軍糧城等處相度河流地勢敷設涵閘開渠引水闢作稻田化荒陬爲沃壤地利聿興民食其惠近百年來國計民生裨益良深此後大城文安永清寶坻新鎮等縣臨河居民亦賴賢有司之倡導多自導水插秧或引流灌溉免除旱潦增益農產惜民力微薄規模不備有待於督導開闢耳其臨河較遠各鄉村與武清安次霸縣等處或導引水源或鑿井灌溉均當酌度土宜誘導推進冀以人力補其缺陷川登康復蓋道區氣候純爲大陸性夏則酷暑冬則沍寒空氣乾燥暴風時起尤以春冬爲甚春季雨澤稀少故常苦旱夏秋有時多雨常復爲災耕種待時遂演成一靠天吃飯一之諺調劑改進除興修水利增闢水源外實無妥善辦法也道署督導有責自不憚於此三致意焉

民族風俗

道區人民男女合計達二百九十二萬餘名口以漢族人爲最多占百分九十以上次爲回教人散居各處青永霸各縣間有清時駐防滿人爲數寥寥民風自古尙豪俠重信義雖值茲世俗澆漓而燕趙

慷慨悲歌之風猶復隱存民間故沉毅亢爽不輕然諾實踐躬行寓文秀於質樸云

鄉治

鄉治爲推行行政起點鄉村爲一縣組成之單位過去鄉村組織散漫雖有自治之名實乏自治之實無論政治推行難期普及而人民之疾苦亦難解決爰經督導各縣就各鄉村之風土人情交通土地之所宜改編大鄉遴選鄉長造就人才復興鄉治並遵照河北省公署頒定各縣鄉鎮組織辦法逐加調整更爲求集思廣益研究企畫鄉治之應興應革以期縣政之推行盡利鄉治之健全合理起見飭各縣組設鄉治促進委員會以爲對鄉治研究企畫及應縣知事之諮詢機關各縣均經陸續組設不避繁難實踐躬行如再寬以時日其效果必可呈顯於吾人之前也餘詳附表（附表一、三、）

教育

道區教育素稱發達惜自事變後多陷停頓經督導恢復漸多興起道署遵奉省令注重職業與師範教育併倡增日語廣儲師資上年成立道區聯立武清農業職業學校省立日語教員養成所本年擴充農校並擬成立道區省立師範業在武清楊村勘定校址現已開工興建預定暑假後開學總計現在道區共有縣立中學二處簡易師範三處一班聯立農職一處學生四百零三人縣公私立高初級小學校都九百九十一處學生九萬九千五百六十七人詳見附表（附表四—九）

社會教育前經道署規定推進辦法五項以恢復新民教育館樹立社教中心以次推進識字運動

衛生運動公民教育健康教育通飭遵辦逐漸成立其尙未成立者亦正積極籌備逐步進展餘詳見附表（附表十）

厚生設施

安定民生即所以安定社會尤其於農村疲敝人民困窘之秋甦養生息實爲必要自道區改畫二年以來道縣各機關就地方財力所及籌維進行者事非一端茲撮舉大凡於次

一、積穀 預防災歉首重倉儲無如此政久廢倉穀兩虛又值災害連年民食維艱驟圖創設實非容易除大城積有雜穀五四六石寶坻四六〇石外其他各縣亦均擬有計劃呈省核示一俟有秋當予積極進行也

二、小本借貸 前經省署頒發經濟金四千元擬訂辦法當分配各縣作爲辦理小本借貸之倡益以各縣自行籌撥之款約四萬元以上以之救助自力謀生而苦無資本之人循環周轉善爲營運必可垂諸久遠永濟貧黎其分配情況詳於附表（附表十一）

三、習藝所 此所爲救濟無正當職業及流離失所者而設授以相當技能使自力謀生以杜絕遊手好閒禁除沾染嗜好以爲教戒機關惟發軔伊始各縣經濟能力所限未克完備尙遠然均經擬訂計畫及經臨預算備作實施根據道署倡之於前督導於後各縣實力進行成效不難預期附表於次以供參考（附表十二）

宗教

道區人民除信仰天主基督回教道教者外大多信佛惟是禮讚者多而鑽研教義者少另表所列以出家爲僧尼者爲限餘不入

華北政委會內務總署規定凡不屬於上列五教別樹教義及附會五教教義者名之曰乙種宗教所以示區別也附表以便考察（附表十三、十四）

古蹟古物

道區各縣古蹟古物代有遺留然年湮代遠災劫沈淪保全者少徒殷傳聞難指實跡今擇比較確切者酌列如附表（附表十五）

警務

本道十二縣各設有警察所一處塘大區內設塘大警察署一處自道區改畫二載以來迭由道署遵照規定標準並斟酌地方財力需要督飭增強現在官警總額已達三千二百九十六員名分在各地執行勤務並因治安關係多配有相當數量槍彈實力尙稱充足訓練亦極認真餘詳附表（附表十六）

武備

本道十二縣警備隊共計十二個大隊三十八個中隊官兵計三千八百七十六員名現有之兵力屢建戰果已堪維護地方治安爲求警備力十分充足起見現仍繼續督飭各縣酌核需要加強整備又

道署各縣防禦工事之建築頗稱完善舉凡溝塹碉堡之屬無不適應當地需要而建修尤以碉堡一項道區各重要地點俱經建築磚石砌成裨益治安良多餘詳附表（附表十七、十八）

戶籍及保甲

本道各縣戶口調查早經竣事全道共五〇四、五五七戶男女共計二九二七、七一三人並已遵照保甲條例編制保甲全道計編成五百五十八聯保四千八百九十二保四萬八千二百零七甲保甲自衛團大致俱經編練著有實效保甲活動亦有成績又奉令選定武清縣爲保甲模範縣大城文安新鎮三縣因治安或轄境過狹關係選定保甲模範村其他如天津靜海青縣霸縣永清安次寶坻寧河等縣及塘大署俱按規定選妥保甲模範區村餘詳附表（附表十九、二十）

醫療

六六

查道區官公立醫院計靜海十青縣四文安六永清五安次八武清大塘六四此外天津大城新鎮霸縣寶坻寧河或因地近市區無專設醫院之必要或因新民會施療班具有療疾防疫之力或正在趕速籌設官公立醫院或積極提倡設置私立醫院至所需藥品由道署爲之幹旋或請防疫委員會發給餘詳附表（附表二十一）

財務

本道區各縣三十一年度地方款核准概算數總計歲入歲出各爲八、一八〇、七七六、〇〇

元（內歲出經常六、九八三、八五七、〇〇元歲出臨時一、一九六、九一九、〇〇元）較之上年地方款概算數五、四八九、七八四、〇〇元計增加二、六九〇、九九二、〇〇元（附表二十二—二十五）

本道區十二縣納田賦之地畝數總計一四、一七七、〇四〇、畝六九五全年應征田賦總計五五四、四二九、元八一九（附表二十六、二十七）

本道區各縣三十一年度經征牲屠牙雜各稅比額計牲畜稅一三六、〇二九、〇〇元屠宰稅一七二、三三五、〇〇元牙稅八七八、五六〇、〇〇元營業稅一三五、七四二、〇〇元烟酒牌照稅六二、五八〇、〇〇元總計一、三八五、二四六、〇〇元（附表二十八）

本道區各縣三十一年度牲屠牙各稅除武清寶坻兩縣由省設局征收外其餘天津等十縣大致業經辦定總計六〇八、五二七、〇〇元較之三十年度辦定額增多十七萬九千餘元（附表二十九）

本道各縣三十一年度牙稅留撥及政法補助均行取消改發補助費分四期由道請領轉發本道十二縣全年應領補助費計二三三、八一八、〇〇元（附表三十）

本道區各縣三十一年度畝捐除靜海新鎮安次三縣外其餘各縣均分三等征收捐率最高者爲新鎮每畝征收一元一角最低爲靜海每畝征收三角至於商捐大致均按全年營業額分三等征收（

附表三十一—三十三)

本道區各縣三十年度各項賦稅征起之數目除契稅一項以各地治安逐漸確立之故泰半溢征其餘經征各稅以受水旱虫災及種種不良影響多未能足額(附表二十四)


本道區各縣鄉鎮財政以前因無具體辦法往往任意攤派漫無標準稽考既屬不易人民飲痛日深前爲力矯斯弊訂定本道各縣三十一年鄉概算編製規範通飭各縣督導編造呈報以期確立鄉預算制度奠定自治基礎現在各縣督導進行頗著成效行見鄉鎮財政日入軌道從前積弊當可逐漸剔除

建置

(一)河流(節錄河北省概況河流章)

一、各河概況

本省西北多山東南平衍西北塞外諸山之水胥由山間高地建瓴直下順流而東朝宗於海在廣大平原間水道縱橫河流交錯舉其大者曰永定曰大清曰子牙曰南運曰北運以上爲本省五大河流匯流於天津名曰海河入海以上各河均流經津海道區內又道區東北有薊運河流經寶坻寧河兩縣至於灤河黃河與本道區無關不具載



二、永定河

永定河上游曰桑乾河即古之灤水水經注云灤水出雁門陰館縣東北過代郡桑乾縣南永定河志云相傳每歲桑甚時河水乾涸故名一曰渾河以渾源河至山西應縣合流而名流經宛平盧師臺名盧溝河源出山西朔縣洪濤山之洪濤泉至察哈爾合洋河媿水後由豬窩口入本省境經過宛平良鄉涿縣固安永清安次武清至天津屈家店以上匯入北運河永定河爲華北河流之最大者然其爲害亦較各河爲烈上游坡度既高河身亦狹又有諸山之水十數處注之激流湍急其疾如箭能於八小時行百餘公里每遇驟雨尤爲可畏下游水患多坐於此迨至三家店坡勢雖緩則以湧注之力而爲橫決之機然猶爲兩岸低山所束至蘆溝橋以下瀉於平原坡勢愈緩流速愈低而餘勁未已橫決之力仍存又本河水中含沙之多爲各河之冠河水所經最善淤積一地淤塞輒復他遷此歷年水患之所以層出不已也然在古代上游尙引用河水灌溉稻田水有所分淤有所積因之下游力弱水清不甚爲害故金以前言永定水災者載泛溢而不言冲決金建都北京世宗時懼奸人爲害京師塞孟家山之金口牖廢稻田爲陸地而水患始亟元明以後洪水時至隄防競興繼長增高補苴不已但防衛重心僅在都城附近至於下游則任其散漫不加管理上游沙積於隄河床高仰一旦潰決高下懸殊湍流奔放不可復遏故河道屢有遷移金時行於北京之北元時則經北京之南明時或合白溝或合拒馬迄於清初無法救治是以雄霸以北迄無寧歲昔人以其河流無定故有無定河之稱清康熙三十七年始於良鄉築堤東

南至永清會郎城河達淀歷代積患一旦而除爰錫嘉名詔改新河曰永定然每遇洪水恒有改道之虞迄於清末下游時有變遷先後改道十餘次雖堤埝重疊仍不足以限之卒至淀泊夷爲平陸卑濕變爲高原全河淤墊亦隨而增高釀成今日水行牆巔之局險象時呈且不通舟楫不產魚蝦復使北運海河日就淤淺其利毫無而害固極烈也

三、大清河

大清河上游支派紛歧凡太行山脈東麓之水幾無不來匯天津府志云大清河總集七十二清河之水西淀受之東淀承之淀河洩之蓋首尾皆游衍乎淀池之中介於永定滹沱二濁流間而此獨以清著故以大清爲名上游衆流分會各地異名經過西淀與趙王河會始稱大清河流經任邱雄縣新鎮霸縣文安大城至靜海第六堡與子牙河匯流以達於海大清貫穿東西兩淀翕收有功得灌溉之資擅交通之利魚葦之產復極豐饒其利甚溥也惟以上游所匯河流既多水量本巨若遇永定盛漲水即由小清河灌入爲大清所不能容若值西淀水低其水即自趙王河倒灌入淀儻遇大水之年水面高漲即成巨災矣

四、子牙河

子牙之上游爲滹沱河及滏陽河滹沱河發源於山西繁峙縣東北泰戲山流入平山縣城西北會由井陘而來之冶河經靈壽獲鹿正定藁城無極管縣至深澤磁河無定向白靈壽行唐正定新樂藁城

無極等縣來會復經安平饒陽至獻縣城西北會滏陽河滏陽河發源於磁縣彭城鎮經邯鄲永年曲周雞澤平鄉任縣鉅鹿隆平寧晉凡寧晉以西各縣之水如洹河槐河洹河洹河柳林河白馬河七里河沙河洺河等皆入滏陽再經新河冀縣衡水武邑武強至獻縣與滏沱會流以後稱子牙河經河間青縣大城至靜海會大清河至天津與南北運河匯流入海子牙爲昔漳水所經流自清康熙中決漳入衛以濟連滏水遂獨行漳瀆滏沱原入古洋水挾泥沙滾流無定汜濫爲害自古已然清光緒初關朱家口新河引滏水以入子牙以減少古洋河下游之害子牙自昔深通不聞有劇患自受滏沱濁流影響水行因以不暢且子牙洩水之量極小而上游所注恒超過數倍每當汛期滏沱滏陽之間漫溢相連汪洋一片被災區域爲安平武強饒陽深縣衡水等縣積水非數月所能洩盡地方所蒙損失不可勝計但寧晉泊以上滏水所經各縣引流種稻受益頗多而滏沱上游平山靈壽等處亦極得灌溉之利航運自天津至獻縣可通汽船民船南溯衡水西溯正定惟滏沱水勢漲落無定航行稍難耳

五、南運河

南運河即運糧河上游曰衛河發源於河南輝縣西北蘇門山之麓經過本省清豐南樂大名三縣東北流至山東臨清縣境合會通河以下稱南運河北流復入本省經過清河故城景縣吳橋東光交河南皮滄縣青縣靜海至天津匯入海河入海南運河一曰永濟渠亦曰御河太平寰宇記云永濟河在清池縣西三十里自南皮縣來入乾寧軍亦呼爲御河金史地理志云南皮東光吳橋有永濟渠考衛河本

爲西漢時大河所經東漢以後爲清漳二瀆所經隨時開爲永濟渠金元以來皆爲漕運所經惟元初以前漕舟涉江淮入河至於封邱陸運一百八十里至淇門入於御河達於京師蓋用衛河之全元世祖復濬會通河乃由會通入衛係用衛河之半云清康熙四十五年以衛河水弱分引漳水於山東館陶境內入衛以濟漕運此後漳河故道歷久漸淤遂至全漳入衛嗣後漳水由館陶改道於本省大名境內仍係全流匯入故南運下游實合會通衛漳之水因之流濁而勢強在昔爲運糧要道時加修濬航行暢達迄清季修建鐵路糧食運輸捨舟而陸遂不爲當局重視久失疏治日就淤淺非復當年通暢情形矣然南運中途不與他河會流無頂托亂流之弊東鄰海濱隨處有減河以洩盛漲永定水失之急而大清又失之緩惟南運地處適中緩急咸宜說者謂治五幹河以南運爲獨易非無見也有減河四曰興濟減河四女寺減河捷地減河馬廠減河現在興濟已不能用四女寺淤高已甚捷地減河滾水壩效用尙著但本河亦頗淤高惟馬廠減河最著效能不但有洩水之功且小站營田亦完全賴以灌溉通航情形天津附近及馬廠減河內能通行普通船隻

六、北運河

北運河即通縣至天津之運河也古名潞水或稱白河來源有三東曰潮白河中曰溫榆河西曰通惠河潮白河上分二支東曰潮河即水經之鮑丘水西曰白河源出熱河由密雲縣入境流經懷柔順義等縣入通縣溫榆河即水經之濕餘水源出察哈爾由昌平縣入境流經大興縣入通縣通惠河一作通